



## ZAPISNIK

### sa Konstitutivne sjednice Bošnjačkog nacionalnog vijeća

(Petak 23.11.2018. godine u 13:00, Glavni ured Vijeća, Novi Pazar)

**Predsjedavajući:** prof.dr. Sait Kačapor (1947), najstariji vijećnik,

**Članovi radnog predsjedništva:** Selma Kučević (1991) i Edin Đerlek (1987).

Sjednica je počela sa radom u 13:00 časova.

**Prisutni:** svih 35 Vijećnika kojima su dodijeljeni mandati članovima nacionalnog savjeta bošnjačke nacionalne manjine (Rješenje o dodjeli mandata članova nacionalnog savjeta bošnjačke nacionalne manjine Republičke izborne komisije broj 013-562/18 od 9. novembra 2018. godine, „Službeni glasnik“ broj 86/2018 od 9.11.2018)

**Odsutni:** nema

U skladu sa Odlukom o sazivanju konstitutivne sjednice Nacionalnog savjeta bošnjačke nacionalne manjine broj 90-00-00121/2018-27 od 16. novembra 2018. godine najstariji vijećnik prof. dr. Sait Kačapor otvorio je Konstitutivnu sjednicu nacionalnog savjeta bošnjačke nacionalne manjine/Bošnjačkog nacionalnog vijeća i uvidom u evidenciju prisutnosti utvrdio je da sjednici prisustvuje 35 članova nacionalnog savjeta-vijećnika čime su se stekli uslovi da se konstitutivna sjednica održi.

Također, u skladu sa Privremenim poslovníkom o radu na konstitutivnoj sjednici nacionalnog savjeta Ministarstva državne uprave i lokalne samouprave broj 90-000-00135/2018-27 od 15. novembra 2018. godine i Poziva za održavanje konstitutivne sjednice nacionalnog savjeta Bošnjačke nacionalne manjine broj 90-00-00121/2018-27 od 16. novembra 2018. godine, predsjedavajući je saopštio sljedeći,

### Dnevni red konstitutivne sjednice:

1. Izbor radnog predsjedništva;
2. Potvrđivanje mandata članova nacionalnog savjeta i konstituisanje nacionalnog savjeta;
3. Razno.



### **Prva tačka dnevnog reda: Izbor radnog predsjedništva**

Predsjedavajući je upoznao prisutne o odredbama privremenog poslovnika kojim je određeno da konstitutivnom sjednicom predsjedava najstariji član nacionalnog savjeta-vijeća kome u radu pomažu, kao članovi radnog predsjedništva, dva najmlađa vijećnika.

Predsjedavajući je uvidom u rješenje o dodjeli mandata članovima/vijećnicima Nacionalnog savjeta bošnjačke nacionalne manjine/Bošnjačkog nacionalnog vijeća utvrdio da su Selma Kučević (1991) sa liste "SAMOOPREDJELJENJE – DR. SULEJMAN UGLJANIN" i Edin Đerlek (1987) sa liste "MATICA BOŠNJAČKA – AKADEMIK MUAMER ZUKORLIĆ MUFTIJA" dva najmlađa člana.

Shodno tome predložio je radno predsjedništvo konstitutivne sjednice u sljedećem sastavu: prof.dr. Sait Kačapor- predsjedavajući (najstariji član), Selma Kučević, član radnog predsjedništva i Edin Đerlek, član radnog predsjedništva (dva najmlađa člana), i ovaj prijedlog stavio na glasanje.

Članovi/vijećnici Nacionalnog savjeta bošnjačke nacionalne manjine/Bošnjačkog nacionalnog vijeća, usvojili su prijedlog predsjedavajućeg, javnim glasanjem i donijeli odluku o izboru radnog predsjedništva konstitutivne sjednice.

Odluka je donijeta jednoglasno.

Za zapisničara je određena Selma Kučević, član radnog predsjedništva.

### **Druga tačka Dnevnog reda: Potvrđivanje mandata članova nacionalnog savjeta i konstituisanje nacionalnog savjeta**

Na osnovu člana 4. Privremenog poslovnika o radu na konstitutivnoj sjednici, uvjerenja o izboru za člana nacionalnog savjeta i Rješenja o dodjeli mandata nacionalnog savjeta predsjedavajući je pristupio čitanju imena, prezimena i mjesta prebivališta članova nacionalnog savjeta bošnjačke nacionalne manjine kojima su dodijeljeni mandati.

Svi članovi Vijeća su predali radnom predsjedništvu uvjerenja o svom izboru.

Nakon čitanja dodijeljenih mandata članovima nacionalnog savjeta bošnjačke nacionalne manjine, predsjedavajući je konstatovao da su mandati navedenim članovima potvrđeni te u skladu sa članom 4. Privremenog poslovnika konstatovano je da je Nacionalni savjet Bošnjačke nacionalne manjine/Bošnjačko nacionalno vijeće konstituisano.



### Treća tačka Dnevnog reda: Razno

Predsjedavajući je prisutne vijećnike obavjestio da je 22 vijećnika podnijelo zahtjev sa prijedlogom Dnevnog reda za održavanjem Prve sjednice novog saziva Nacionalnog savjeta bošnjačke nacionalne manjine za petak, 23. novembar 2018. godine u 14 sati.

Prisutni vijećnici su se izjasnili javnim glasanjem.

“ZA” 22 glasova, „PROTIV“ 0 glasova, “UZDRŽANO 0, nije glasalo 13.

Konstatovano je da je većinom glasova odluka usvojena i da će se Prva sjednica novog saziva nacionalnog savjeta bošnjačke nacionalne manjine/Bošnjačkog nacionalnog vijeća održati istog dana, tj. u petak, 23. novembra 2018. godine sa početkom u 14 sati.

Predsjedavajući je predložio da Vijeće donese odluku da radno predsjedništvo konstitutivne sjednice predsjedava i prvom sjednicom do izbora predsjednika.

Prisutni vijećnici su se izjasnili javnim glasanjem.

“ZA” 22 glasova, „PROTIV“ 0 glasova, “UZDRŽANO 0, nije glasalo 13.

Većinom glasova prisutnih vijećnika odlučeno je da radno predsjedništvo predsjedava i prvom sjednicom novog saziva do izbora predsjednika Vijeća.

Predsjedavajući radnog predsjedništva, podsjetio je vijećnike da u skladu sa Privremenim poslovnikom o konstitutivnoj sjednici nije predviđeno davanje riječi niti diskusija po bilo kojoj tački dnevnog reda.

Predsjedavajući je obavijestio prisutne vijećnike da će se Prva sjednica novog saziva nacionalnog savjeta bošnjačke nacionalne manjine/Bošnjačkog nacionalnog vijeća održati u petak, 23. novembra 2018. godine sa početkom u 14 sati.

Zapisnik je sastavljen na 5 (pet) strana i potpisan u 2 (dva) primjerka.

### POTPISI ČLANOVA VIJEĆA:



1.	Dr. Sulejman Ugljanin, Novi Pazar	
2.	Salih Hot, Tutin	
3.	Vasvija Gusinac, Novi Pazar	
4.	Muhedin Fijuljanin, Sjenica	



5.	Esad Džudžo, Tutin	Esad Džudžo
6.	Dr. Jasmina Curć, Novi Pazar	Jasmina Curć
7.	Hazbo Mujović, Sjenica	Hazbo Mujović
8.	Kenan Hot, Tutin	Kenan Hot
9.	Minela Kalender, Sjenica	Minela Kalender
10.	Prof. dr. Hasim Mekić, Novi Pazar	Hasim Mekić
11.	Prof. dr. Fahrudin Mavric, Novi Pazar	Fahrudin Mavric
12.	Selma Kučević, Tutin	Selma Kučević
13.	Dr. Fuad Bačićanin, Novi Pazar	Fuad Bačićanin
14.	Prof. dr. Sead Šemsović, Novi Pazar	Sead Šemsović
15.	Akademik Muamer Zukorlić, Novi Pazar	Muamer Zukorlić
16.	Prof. dr. Jahja Fehratović, Novi Pazar	Jahja Fehratović
17.	Prof. dr. Misala Pramenković, Novi Pazar	Misala Pramenković
18.	Prof. dr. Enver Gicić, Novi Pazar	Enver Gicić
19.	Prof. dr. Admir Muratović, Novi Pazar	Admir Muratović
20.	Prof. dr. Amela Zoranić, Novi Pazar	Amela Zoranić
21.	Zaim Redžepović, Tutin	Zaim Redžepović
22.	Sabahudin Hajdarević, Prijepolje	Sabahudin Hajdarević
23.	Jasmina Nikšić, Novi Pazar	Jasmina Nikšić
24.	Fadil Nikšić, Sjenica	Fadil Nikšić



25.	Edin Đerlek, Novi Pazar	
26.	Atifa Šaljić, Tutin	
27.	Ismet Bihorac, Nova Varoš	
28.	Prof. dr. Sait Kačapor, Novi Pazar	
29.	Esad Rahić, Novi Pazar	
30.	Indira Gicić, Novi Pazar	
31.	Dr. Nadir Dacić, Prijepolje	
32.	Hamza Halitović, Novi Pazar	
33.	Dr. Dženeta Bogučanin, Novi Pazar	
34.	Elvir Eminbegović, Novi Pazar	
35.	Dr. Mudžahid Muderizović, Novi Pazar	

